



Broj: 01/2-45- /22  
Bihać, 28.02.2023.godine

### Zapisnik

sa konstituirajuće sjednice Skupštine Unsko-sanskog kantona,  
održane 14.11.2022.godine, 02.12.2022.godine i 28.02.2023.godine

Konstituirajuća sjednica Skupštine Unsko-sanskog kantona održavala se u nekoliko nastavaka i to 14.11.2022. godine (ponedjeljak), prvi nastavak 02.12.2022. godine (petak) i drugi nastavak 28.02.2023.godine (utorak), u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na konstituirajućoj sjednici Skupštine Unsko-sanskog kantona prisustvovalo je 30 poslanika.

Uz riječi pozdrava, zamjenik predsjedavajućeg iz prethodnog saziva Skupštine Unsko-sanskog kantona, Nisvet Jusić, obavještava prisutne da će u svojstvu zamjenika predsjedavajućeg iz prethodnog mandata voditi konstituirajuću sjednicu, upućuje čestitke izabranim zvaničnicima a zatim iščitava dnevni red.

Nakon uvodnog obraćanja, zamjenik predsjedavajućeg iz prethodnog saziva Nisvet Jusić, iščitava sljedeći

### Dnevni red

1. Izvještaj Centralne izborne komisije BiH o dodjeli mandata poslanicima/zastupnicima u Skupštini Unsko-sanskog kantona
  - potpisivanje izjave o prihvatanju/odbijanju mandata,
  - uručivanje uvjerenja o dodjeli mandata,
  - polaganje i potpisivanje svečane izjave,
2. Odluka o imenovanju Komisije za izbor, imenovanja i finansijsko administrativna pitanja;
3. Formiranje Klubova konstitutivnih naroda
  - izbor predsjedavajućeg i zamjenika predsjedavajućeg Kluba,
  - izbor kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona
4. Izbor i imenovanja
  - a) Odluka o potvrđivanju kandidata za mjesto predsjedavajućeg ili zamjenika predsjedavajućeg Skupštine iz reda konstitutivnih naroda,
  - b) Upoznavanje sa odlukom o izboru predsjedavajućeg i zamjenika predsjedavajućeg Skupštine,
  - c) Odluka o uspostavljanju Kolegija Skupštine,

- d) Odluka o izboru predsjedavajućeg, zamjenika predsjedavajućeg i članova stalnih radnih tijela Skupštine Unsko-sanskog kantona,
- e) Prijedlog kandidata za Dom naroda Parlamenta Federacije Bosne i Hercegovine
  - Popunjavanje obasca kandidatskih lista i kandidata za izbor delegata u Dom naroda,
  - Formiranje komisije za provođenje žrijebanja
  - Provođenje tajnog glasanja.

## **RASPRAVA I ODLUČIVANJE PO UTVRĐENOM DNEVNOM REDU**

### **Ad-1**

Izvještaj Centralne izborne komisije BiH o dodjeli mandata poslanicima/zastupnicima u Skupštini Unsko-sanskog kantona

- potpisivanje izjave o prihvatanju/odbijanju mandata,
- uručivanje uvjerenja o dodjeli mandata,
- polaganje i potpisivanje svečane izjave,

Materijale, postupak i procedure obrazložio je zamjenik predsjedavajućeg Skupštine Unsko-sanskog kantona iz prethodnog saziva, Nisvet Jusić.

Predsjednik Centralne izborne komisije BiH Sead Arnautović dodjeljuje certifikate izabranim zvaničnicima uz ostalu dokumentaciju.

Svi prisutni poslanici u Sali pristupili su polaganju zakletve isčitavanjem svečane izjave.

### **Ad-2**

Odluka o imenovanju Komisije za izbor, imenovanja i finansijsko administrativna pitanja;

Zamjenik predsjedavajućeg Skupštine Unsko-sanskog kantona iz prethodnog saziva, Nisvet Jusić, upoznaje sve prisutne o ishodu dogovora sa radno konsultativnog sastanka na kojem je usaglašeno da predstavnici pet najvećih stranaka čine članovi Komisije za izbor, imenovanja i finansijsko administrativna pitanja, a to su:

- Agan Bunić, predsjedavajući
- Fatka Kulenović, zamjenica predsjedavajućeg
- Zinajda Hadžić, član
- Zikrija Duraković, član
- Samir Ikanović, član

Ovakav prijedlog odluke usvojen je jednoglasno.

Zamjenik predsjedavajućeg Skupštine Unsko-sanskog kantona, iz prethodnog mandata, Nisvet Jusić, naglašava da je sa realizacijom druge tačke dnevnog reda, shodno dogovoru, završeno ono što je predviđeno da se realizira na konstituirajućoj sjednici. Upućuje sve prisutne na činjenicu da je nužno da se izvrši sazivanje klubova konstitutivnih naroda kao i klubova političkih stranaka, na način da se u što kraćem vremenskom periodu sazove sastanak

istih. Naglašava da će sazvati sastanak klubova konstitutivnih naroda onog momenta kada bilo ko iskaže namjeru, želju ili potrebu da je to potrebno uraditi. Moli ostale da komuniciraju sa njim i sa stručnom Službom Skupštine i prvom prilikom kada se stvore uvjeti za sazivanje kluba konstitutivnog naroda, bilo kojeg, istog trena će postupiti shodno Poslovniku i sazvati isti. Također moli sve klubove političkih stranaka da dostave, radi formiranja Kolegija Skupštine, odluke o imenovanju predsjednika i zamjenika predsjednika kluba kako bi se u što kraćem periodu mogla realizirati i ta tačka dnevnog reda.

Nakon navedenog zamjenik predsjedavajućeg Skupštine iz prethodnog mandata, Nisvet Jusić prekida sjednicu.

Konstatirajuća sjednica Skupštine Unsko-sanskog kantona prekinuta u 10:45 sati.

**Nastavak konstituirajuće sjednice Skupštin Unsko-sanskog kantona, održan je 02.11.2022. godine (petak) u 14,00 sati.**

Nastavku sjednice prisutno je 30 poslanika.

Ad-4

Izbor i imenovanja

- e) Prijedlog kandidata za Dom naroda Parlamenta Federacije Bosne i Hercegovine
- Popunjavanje obrasca kandidatskih lista i kandidata za izbor delegata u Dom naroda,
  - Formiranje komisije za provođenje žrijebanja
  - Provođenje tajnog glasanja.

Zamjenik predsjedavajućeg Skupštine iz prethodnog mandata Nisvet Jusić, uz uvodne pozdrave prisutnima upozna je iste sa protokolima i konstituisanjem Klubova naroda.

Naglašava da poštujući odredbe Izbornog zakona i rokove dostavljene od strane Centralne izborne komisije BiH Skupština USK-a ima obavezu izvršiti izbor delegata u Dom naroda Parlamenta Federacije BiH. Shodno toj obavezi, danas 02.12.2022. godine sazva je nastavak konstituirajuće sjednice Skupštine Unsko-sanskog kantona.

Također naglašava da prije realizacije tačaka koje su u okviru dnevnog reda želi sve prisutne upoznati sa nekim važnim činjenicama.

Upozna je da tačkom 3. dnevnog reda je predviđeno formiranje Klubova konstitutivnih naroda a da u okviru te tačke se bira predsjedavajući i zamjenici predsjedavajućeg kluba, kao i izbor kandidata za mjesto predsjedavajućeg ili zamjenika predsjedavajućeg Skupštine USK-a.

Sve članove Skupštine i javnost želi obavjestiti da je dana 28.11.2022. godine u Skupštini formiran Klub poslanika Hrvata, dok se Klub poslanika Bošnjaka i Srba formalno neposredno prije održavanja nastavka konstituirajuće sjednice sastao. Činjenica je da niko od klubova osim Kluba Srba kojeg čini jedan član, dakle Klub Hrvata i Klub Bošnjaka nije osim odluke o formiranju kluba nisu dostavili odluke o izboru predsjedavajućeg i zamjenika predsjedavajućeg kluba, niti odluku o izboru kandidata za mjesto predsjedavajućeg ili zamjenika predsjedavajućeg Skupštine USK-a. Samim tim nisu ispunjeni uvjeti da se razmatra tačka 3. ali isto tako i 4. tačku dnevnog reda, alineje a), b) i c) s obzirom da realizacija tih tačaka, odnosno alineja, zavisi od realizacije gore navedenih odluka.

Također upozna je Skupštinu USK-a i građane da su Službi Skupštine dostavljene Odluke o formiranju klubova političkih partija u Skupštini USK-a i te odluke su dostavili SDP, NES, POMAK, SDA i NIP.

Kada je u pitanju 4. tačka dnevnog reda, da se objasni alineja d), da shodno odredbama člana 23. Poslovnika Skupštine USK-a propisano je da se radna tijela formiraju prema stranačkom sastavu Skupštine i da prijedloge za članove radnih tijela podnose klubovi poslanika. Iz toga proizilazi da bi se prvo trebali formirati klubovi koji će dostaviti svoje prijedloge za imenovanje članova u Skupštinska radna tijela i također naglašava da do danas se nije dobio niti jedan prijedlog.

Sve navedeno, vjeruje da će biti vrlo brzo realizirano u nekom drugom narednom nastavku konstituirajuće sjednice, po postizanju političkog dogovora.

Naglašava da je danas zadnji dan za izbor delegata u Dom naroda Parlamenta F BiH a kako su dobijene ovjerene kandidatske liste, ispunjeni su uvjeti da se može danas na nastavku konstituirajuće sjednice razmatrati tačka 4. a u okviru tačke 4. i ono što je predviđeno pod alinejom e).

Sve što je navedeno u uvodu bilo je iz potrebe da se prenese zastupnicama i zastupnicima kako bi se u jednoj transparentnoj atmosferi objasnilo zašto se danas ne može realizirati sve navedeno što je elaborirano a moći će se završiti ono što je primarni razlog sazivanja nastavka konstituirajuće sjednice a to je izbor delegata u Dom naroda Parlamenta F BiH.

U okviru 4. tačke Dnevnog reda utvrđenog u Sazivu konstituirajuće sjednice Skupštine Unsko – sanskog kantona broj: 01/1-45-530-1/22 od 11.11.2022.godine razmatrana se tačka Izbor delegata u Dom naroda Parlamenta Federacije Bosne i Hercegovine.

Nisvet Jusić, zamjenik predsjedavajućeg Skupštine Unsko-sanskog kantona iz prethodnog saziva, upoznao je prisutne zastupnike da je dana 30.11.2022.godine Centralna izbora komisija Bosne i Hercegovine donijela Odluke kojim je ovjerila kandidatske liste predlagača za izbor delegata u Dom naroda Federacije Bosne i Hercegovine iz Skupštine Unsko – sanskog kantona i to:

- Kandidatska lista predlagača **SDP – Socijaldemokratska partija BiH**, za izbor delegata u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda bošnjačkog naroda:**
  1. Almin Hopovac,
  2. Fatka Kulenović,

zaključno sa rednim brojem 2.

- Kandidatska lista predlagača **Narodni evropski savez**, za izbor delegata u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda bošnjačkog naroda:**
  1. Emir Dautović
  2. Amir Murić

Zaključno sa rednim brojem 2.

- Kandidatska lista predlagača **Mahmić Mehmeda**, za izbor delegata u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda bošnjačkog naroda:**
  1. Mehmed Mahmić
  2. Asmir Ćufurović

zaključno sa rednim brojem 2.

- Kandidatska lista predlagača **Hasić Sanila**, za izbor delegata u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda bošnjačkog naroda:**
  1. Sanil Hasić
  2. Samir Ikanović

zaključno sa rednim brojem 2.

- Kandidatska lista predlagača **Sejarić Azhara**, za izbor delegata u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda bošnjačkog naroda:**
  1. Azhar Sejarić
  2. Zikrija Duraković
  3. Jasmin Hušić

zaključno sa rednim brojem 3.

- Kandidacijska lista predlagatelja **Šantić Tanje**, za izbor izaslanika u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda hrvatskog naroda:**
  1. Tanja Šantić
zaključno sa rednim brojem 1.
  
- Kandidacijska lista predlagatelja **Delić Ines**, za izbor izaslanika u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda hrvatskog naroda:**
  1. Ines Delić
zaključno sa rednim brojem 1.
  
- Kandidacijska lista predlagatelja **Laburistička stranka Bosne i Hercegovine**, za izbor izaslanika u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda hrvatskog naroda:**
  1. Elvira Abdić Jelenović
zaključno sa rednim brojem 1.
  
- Kandidatska lista predlagača **SDP – Socijaldemokratska partija BiH** za izbor delegata u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda srpskog naroda:**
  1. Mladen Lonić
zaključno sa rednim brojem 1.
  
- Kandidatska lista predlagača **Handukić Senite**, za izbor delegata u Dom naroda Parlamenta Federacije Bosne i Hercegovine iz Skupštine Unsko – sanskog kantona, **iz reda ostalih:**
  1. Senita Handukić
zaključno sa rednim brojem 1.

Nakon upoznavanja sa predmetnim odlukama o ovjeri kandidatskih lista zamjenik predsjedavajućeg Skupštine gđin Jusić iz prethodnog saziva, predložio je da se donese zaključak da se formira komisija koja će provesti postupak izbora delegata u Dom naroda Parlamenta Federacije Bosne i Hercegovine iz Skupštine Unsko-sanskog kantona.

Nakon imenovanja komisije koja će izvršiti postupak o provođenju posrednih izbora kojim se vrši izbor delegata u Dom naroda Parlamenta Federacije Bosne i Hercegovine iz Skupštine Unsko-sanskog kantona, stekli su se uslovi za provođenje postupka. Članovi komisije sjeli su za sto za kojim sjedi rukovodstvo Skupštine Unsko – sanskog kantona, te su od Službe Skupštine preuzeli: nazive kandidatskih lista za bošnjačke i hrvatske narode napisane na papiru bijele boje izrezanim u trake pravougaonog oblika veličine 1x10 cm, kuglice žute boje koje će služiti za žrijebanje, posudu za kuglice, tabelarni prikaz sačinjen na formatu A4 sa imenima zastupnika koji će preuzeti glasačke listiće i kutiju za provođenje tajnog glasanja.

Nakon preuzimanja navedenog materijala Komisija je u skladu sa odredbama člana 30., 31. i 32. Uputstva o postupku provedbe posrednih izbora za organe vlasti u Bosni i Hercegovini započela provođenje postupka.

Predsjedavajući Komisije konstatovao je da ima pet kandidatskih lista iz reda bošnjačkog naroda i tri kandidatske liste iz reda hrvatskog naroda i da će se izvršiti žrijebanje za

kandidatske liste bošnjačkog i hrvatskog naroda, također je konstatovao da ima jedna kandidatska lista iz reda srpskog naroda i jedna kandidatska lista iz reda ostalih i da se za ove dvije liste neće vršiti žrijebanje obzirom da se radi o po jednoj listi.

Postupak provođenja žrijebanja Komisija vrši na način da nazive kandidatskih lista koje je pripremila Služba Skupštine stavlja u kuglice žute boje i identične veličine i ubacuje ih u posudu kako bi se izvršilo žrijebanje.

Nakon što su članovi Komisije ubacili kuglice u posudu iste su promješane i pristupilo se izvlačenju Kandidatskih lista za izbor delegata iz Unsko-sanskog kantona u Dom naroda Parlamenta Federacije Bosne i Hercegovine **iz reda bošnjačkog naroda.**

Redoslijed kandidatskih lista na glasačkom listiću glasi:

1. Kandidatska lista Narodni evropski savez
2. Kandidatska lista SDP – Socijaldemokratska partija BiH
3. Kandidatska lista Sanil Hasić
4. Kandidatska lista Azhar Sejarić
5. Kandidatska lista Mehmed Mahmić

Nakon utvrđivanja redoslijeda kandidatskih lista iz reda bošnjačkog naroda na identičan način pristupilo se izvlačenju kandidatskih lista za izbor delegata iz Unsko-sanskog kantona u Dom naroda Parlamenta Federacije Bosne i Hercegovine **iz reda hrvatskog naroda.**

Redoslijed kandidatskih lista na glasačkom listiću glasi:

1. Kandidatska lista Ines Delić
2. Kandidatska lista Tanja Šantić
3. Kandidatska lista Laburistička stranka Bosne i Hercegovine

**Liste za koje nije vršeno žrijebanje su:**

Kandidatske liste za izbor delegata iz Unsko-sanskog kantona u Dom naroda Parlamenta Federacije Bosne i Hercegovine iz reda srpskog naroda i kandidatska lista za izbor delegata iz Unsko-sanskog kantona u Dom naroda Parlamenta Federacije Bosne i Hercegovine iz reda ostalih.

Nakon završenog žrijebanja, Komisija je zatražila pauzu od 15 minuta kako bi Služba Skupštine pripremila glasačke listiće čiju je formu i izgled utvrdila Centralna izborna komisija Bosne i Hercegovine i u elektronskoj formi dostavila Službi Skupštine ( na dan provođenja izbora, odnosno danas), kako bi se izvršilo popunjavanje istih shodno provedenom žrijebanju.

Nakon završene pauze, Služba Skupštine je Komisiji predala ukupno 30 glasačkih listića za izbor delegata iz Unsko-sanskog kantona u Dom naroda Parlamenta Federacije Bosne i Hercegovine i to 25 glasačkih listića za kandidatske liste iz reda bošnjačkog naroda, 3 glasačka listića za kandidatske liste iz reda hrvatskog naroda, 1 glasački listić za kandidatsku listu iz reda srpskog naroda i 1 glasački listić za kandidatsku listu iz reda ostalih.

Komisija je uručivala glasačke listiće prisutnim zastupnicima na način da ih je prozivala i da su se isti prilikom preuzimanja glasačkog listića vlastoručno potpisivali pored svog imena i prezimena u tabelu koju je pripremila Služba Skupštine.

Nakon uručivanja listića predsjedavajući Komisije je istakao da se glasanje na glasačkim listićima vrši na način da se stavlja znak X u kvadratić pored naziva kandidatske liste ili stranke zastupljene u odgovarajućem klubu konstitutivnih naroda. Također je istakao da se može glasati samo za jednu kandidatsku listu koja se nalazi na glasačkom listiću, te da će glasački listić biti nevažeći ukoliko se umjesto kandidatske liste označi ime kandidata na listi.

Nakon datog pojašnjenja predsjedavajućeg Komisije pristupilo se tajnom glasanju na način da je svaki zastupnik glasao na listiću i isti u presavijenoj formi ubacivao u glasačku kutiju.

Po okončanju procesa tajnog glasanja, napravljena je pauza od 10 minuta.

Nakon završene pauze, Komisija je konstatovala da je otvorila glasačku kutiju, razvrstala i prebrojila glasačke listiće, te da je svih 30 glasačkih listića važećih i da su kandidatske liste dobile sljedeći broj glasova:

Kandidatske liste iz reda bošnjačkog naroda dobile su sljedeći broj glasova, i to:

1. Kandidatska lista Narodni evropski savez dobila je 8 glasova,
2. Kandidatska lista SDP – Socijaldemokratska partija BiH dobila je 0 glasova,
3. Kandidatska lista Sanil Hasić dobila je 3 glasova,
4. Kandidatska lista Azhar Sejarić dobila je 7 glasova,
5. Kandidatska lista Mehmed Mahmić dobila je 7 glasova,

Kandidatske liste iz reda hrvatskog naroda dobile su sljedeći broj glasova, i to:

1. Kandidatska lista Ines Delić dobila je 0 glasova,
2. Kandidatska lista Tanja Šantić dobila je 2 glasova,
3. Kandidatska lista Laburistička stranka Bosne i Hercegovine dobila je 1 glasova,

Kandidatska lista Socijaldemokratske partije Bosne i Hercegovine, iz reda srpskog naroda, dobila je 1 glas.

Kandidatska lista Senite Handukić iz reda ostalih, dobila je 1 glas.

U skladu sa članom 34. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine, neophodno je da se kompletan izborni materijal s rezultatima glasanja odmah nakon završene sjednice dostavi Centralnoj izbornoj komisiji Bosne i Hercegovine.

Lista žrijebanja za Bošnjake:

- Lista Nes
- Lista SDP
- Lista Sanil Hasić
- Lista Azhar Sejarić
- Lista Mehmed Mahmić

Lista žrijebanja za Hrvate:

- Lista Ines Delić
- Lista Tanja Šantić
- Lista Elvira Abdić Jelenović

Predsjedavajući Komisije daje pauzu u trajanju od 15 minuta.

Nakon završetka pauze, počeo je proces tajnog glasanja na način da je predsjedavajući Komisije za žrijebanje upoznao sve prisutne koliko je glasačkih listića za koje opcije.

Glasanje se odvijalo po redoslijedu: Jasmin Musić, Mehmed Mahmić, Zinajda Hadžić, Emir Šabić, Aida Pašić, Asmir Čufurović, Abid Mulalić, Mustafa Ružnić, Emir Dautović, Hajrudin Halilović, Agan Bunić, Amir Murić, Ifeta Kadić, Nijaz Kadirić, Fatka Kulenović, Almin Hopovac, Sanil Hasić, Samir Ikanović, Šuhret Fazlić, Rusmira Konjević, Zikrija Duraković, Azhar Sejarić, Azra Tajić, Nisvet Jusić, Jasmin Hušić.

Glasanje za Hrvate: Ines Delić, Tanja Šantić i Elvira Abdić Jelenović.

Glasanje za Srbe: Mladen Lonić.

Glasanje za ostale: Senita Handukić.

Nakon pauze od 10 minuta, Komisija je pristupila brojanju glasova.

Predsjednik Centralne izborne komisije BiH Sead Arnautović dodjeljuje certifikate izabranim zvaničnicima uz ostalu dokumentaciju.

Nakon polaganja zakletve, uz par riječi prisutnima se obraća predsjednik CIK BiH.

Komisija izvještava Skupštinu USK o rezultatima glasanja:

Bošnjaci:

- Lista Nes 8 glasova
- Lista SDP 0 glasova
- Lista Sanil Hasić 3 glasa
- Lista Azhar Sejarić 7 glasova
- Lista Mehmed Mahmić 7 glasova

Hrvati:

- Lista Ines Delić 0 glasova
- Lista Tanja Šantić 2 glasa
- Lista Laburisti BiH 1 glas

Srbi

- Lista SDP 1 glas

Ostali

- Lista Senita Handukić 1 glas

Zamjenik predsjedavajućeg Skupštine iz prethodnog mandata Nisvet Jusić, koristi priliku da čestita izabranim delegatima iz Skupštine USK-a koji će predstavljati Unsko – sanski kanton u Domu naroda parlamenta F BiH i nada se da će njihov angažman, rad i aktivnost biti od opće koristi. Naglašava da se završilo sa realizacijom aktivnosti zasjedanja a nastavak konstituirajuće sjednice u smislu realizacije tačke 3. i dijelom tačke 4. Izbor i imenovanja će se po stvaranju uvjeta za to sazvati.

**Drugi nastavak konstituirajuće sjednice Skupštine Unsko-sanskog kantona, održan je 28.02.2023. godine (utorak) u 12,00 sati.**

Nastavku sjednice prisutno je 27 poslanika.

Odsutni su: Hajrudin Halilović, Ifeta Kadić i Nisvet Jusić.

Ad-3

Formiranje Klubova konstitutivnih naroda

- izbor predsjedavajućeg i zamjenika predsjedavajućeg Kluba,
- izbor kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona

Ad-4

Izbor i imenovanja

- a) Odluka o potvrđivanju kandidata za mjesto predsjedavajućeg ili zamjenika predsjedavajućeg Skupštine iz reda konstitutivnih naroda,
- b) Upoznavanje sa odlukom o izboru predsjedavajućeg i zamjenika predsjedavajućeg Skupštine,
- c) Odluka o uspostavljanju Kolegija Skupštine,
- d) Odluka o izboru predsjedavajućeg, zamjenika predsjedavajućeg i članova stalnih radnih tijela Skupštine Unsko-sanskog kantona,

Sekretar Skupštine Unsko – sanskog kantona, Dragana Bajrić, pozdravlja prisutne u sali i daje na znanje da je sjednicu sazvao Nisvet Jusić, zamjenik predsjedavajućeg iz prethodnog mandata a koji je iz privatnih razloga morao napustiti današnju sjednicu.

Također obavještava da je u međuvremenu u Službu Skupštine USK-a pristigao prijedlog jedne trećine zastupnika u Skupštini, kojim ovlašćuju zastupnicu Ines Delić da vodi nastavak konstituirajuće sjednice.

Sekretar daje na izjašnjavanje navedeni prijedlog jedne trećine zastupnika u Skupštini kojim ovlašćuju zastupnicu Ines Delić da vodi nastavak konstituirajuće sjednice.

Po Poslovniku za riječ se javila zastupnica Elvira Abdić Jelenović, koja se u svom izlaganju pozvala na član 7. Poslovnika o radu Skupštine USK-a i ističe da bi sjednicom trebao predsjedavati najstariji novoizabrani zastupnik u Skupštini.

Sekretar Skupštine Unsko – sanskog kantona, Dragana Bajrić, naglašava da u konsultaciji sa zastupnikom Mladenom Lonićem kao najstarijim zastupnikom u Skupštini predloženo je da on vodi nastavak konstituirajuće sjednice, te da je zastupnik Mladen Lonić zamolio da on ne bude taj, nego da jedna trećina ovlasti nekog drugog da vodi nastavak konstituirajuće sjednice.

Sekretar daje na izjašnjavanje prijedlog jedne trećine zastupnika u Skupštini kojim ovlašćuju zastupnicu Ines Delić da vodi nastavak konstituirajuće sjednice te konstatira da je na sjednici prisutno 27 zastupnika i da je od 27 zastupnika jedna zastupnica bila PROTIV prijedloga da zastupnica Ines Delić vodi nastavak konstituirajuće sjednice i da su ostali bili ZA.

Ines Delić, po ovlaštenju Skupštine Unsko – sanskog kantona, pozdravlja sve prisutne i zahvaljuje se na ukazanom povjerenju da predsjedava nastavkom konstituirajuće sjednice Skupštine Unsko – sanskog kantona.

Upoznaje prisutne da je zamjenik predsjedavajućeg iz prethodnog mandata Nisvet Jusić, sazvao današnji nastavak konstituirajuće sjednice na kojoj bi se trebale razmatrati preostale tačke dnevnog reda koje se odnose na izbor rukovodstva Skupštine Unsko – sanskog kantona, uspostavljanje Kolegija i imenovanje radnih tijela.

Također naglašava da su dana 09.12.2022.godine u Službu Skupštine Unsko–sanskog kantona zaprimljene dvije odluke, Odluka Kluba poslanika Srba kojom se zastupnik Mladen Lonić imenuje za kandidata za izbor predsjedavajućeg, odnosno zamjenika predsjedavajućeg Skupštine Unsko – sanskog kantona, te Odluka Kluba poslanika Hrvata kojom se zastupnica Ines Delić imenuje za kandidata za izbor predsjedavajuće, odnosno zamjenika predsjedavajuće Skupštine Unsko–sanskog kantona.

Naglašava da je neposredno prije početka nastavka konstituirajuće sjednice Skupštine Unsko–sanskog kantona održan Klub poslanika Bošnjaka i da nije došao prijedlog kandidata za izbor predsjedavajućeg, odnosno zamjenika predsjedavajućeg Skupštine Unsko–sanskog kantona.

Shodno odredbama člana 10. Poslovnika Skupštine Unsko – sanskog kantona daje na izjašnjavanje Odluku kojom se potvrđuje Mladen Lonić, zastupnik u Skupštini Unsko–sanskog kantona iz reda poslanika Srba potvrđuje za kandidata za predsjedavajućeg, odnosno zamjenika predsjedavajućeg Skupštine Unsko – sanskog kantona.

Po Poslovniku, u skladu sa članom 10., za riječ se javila zastupnica Elvira Abdić Jelenović te u svom izlaganju naglašava da se ne može preskočiti imenovanje predsjednika Kluba Bošnjaka i da se istovremeno potvrđuju tri prijedloga.

Ines Delić, po ovlaštenju Skupštine Unsko – sanskog kantona, daje na izjašnjavanje Odluku kojom se potvrđuje Mladen Lonić, zastupnik u Skupštini Unsko – sanskog kantona iz reda poslanika Srba potvrđuje za kandidata za predsjedavajućeg, odnosno zamjenika predsjedavajućeg Skupštine Unsko – sanskog kantona, koja je sa 25 glasova ZA, 2 glasa SUZDRŽAN i bez glasova PROTIV, aklamacijom, dobila potrebnu većinu.

Sa 25 glasova ZA, 2 glasa SUZDRŽAN i bez glasova PROTIV, aklamacijom, Odluka kojom se Ines Delić iz reda poslanika Kluba Hrvata potvrđuje za kandidata za predsjedavajućeg, odnosno zamjenika predsjedavajućeg Skupštine Unsko – sanskog kantona, dobila je potrebnu većinu.

Pauza u trajanju od 15 minuta.

Nakon zavšetka pauza, prisutni su upoznati da se Mladen Lonić iz reda Kluba poslanika Srba imenuje za predsjedavajućeg Skupštine Unsko – sanskog kantona a da se Ines Delić iz reda Kluba poslanika Hrvata imenuje za zamjenicu predsjedavajućeg Skupštine Unsko – sanskog kantona i zahvaljuje se na ukazanom povjerenju.

Predsjedavajući Skupštine Unsko – sanskog kantona, Mladen Lonić, pozdravlja sve prisutne, zahvaljuje se na ukazanom povjerenju i moli zamjenicu predsjedavajućeg, Ines Delić, da do kraja vodi nastavak konstituirajuće sjednice Skupštine Unsko – sanskog kantona.

Zamjenica predsjedavajućeg Skupštine Unsko – sanskog kantona, Ines Delić, nastavlja sa vođenjem sjednice te naglašava da shodno odredbama člana 14. Poslovnika Skupštine Unsko – sanskog kantona a sa ciljem unaprijeđenja efikasnosti i usklađivanja rada u Skupštini uspostavlja se Kolegij Skupštine kojeg čine predsjedavajući i zamjenici predsjedavajućeg Skupštine, predsjedavajući klubova političkih partija koji su osvojili mandate za Skupštinu,

predsjedavajući klubova naroda i Sekretar Skupštine. Obzirom da su u Službu Skupštine već ranije zaprimljene odluke o imenovanju predsjedavajućih i zamjenika predsjedavajućih klubova političkih partija, kao i odluke o imenovanju predsjedavajućeg i zamjenika predsjedavajućeg klubova naroda, osim Kluba Bošnjaka, i kako postoji Sekretar Skupštine samim tim su ispunjeni svi uslovi da se formira Kolegij Skupštine. Kako je Poslovníkom definisan način formiranja Kolegija konstatira da u Kolegiju neće biti predstavnika ispred Kluba poslanika Bošnjaka i da se o ovoj tački neće voditi rasprava već će se samo pročitati sastav Kolegija, i to:

1. Mladen Lonić, predsjedavajući Skupštine Unsko-sanskog kantona,
2. Ines Delić, zamjenica predsjedavajućeg Skupštine Unsko-sanskog kantona,
3. Jasmin Musić, predsjedavajući Kluba Stranke demokratske akcije – SDA,
4. Agan Bunić, predsjedavajući Kluba Narodni evropski savez – NES,
5. Fatka Kulenović, predsjedavajuća Kluba Socijaldemokratska partija Bosne i Hercegovine – SDP,
6. Sanil Hasić, predsjedavajući Kluba Željko Komšić – Za građansku državu – DF/GS,
7. Šuhret Fazlić, predsjedavajući Kluba Pokret za modernu i aktivnu krajinu – POMAK,
8. Azhar Sejarić, predsjedavajući Kluba Narod i pravda,
9. Tanja Šantić, predsjedavajuća Kluba poslanika Hrvata,
10. Dragana Bajrić, sekretar Skupštine Unsko-sanskog kantona.

Zamjenica predsjedavajućeg Skupštine Unsko – sanskog kantona, Ines Delić, naglašava da je članom 21. Poslovníka Skupštine Unsko – sanskog kantona propisano da Skupština formira radna tijela koja čine zastupnici kao članovi i vanskupštinski članovi u svojstvu vanjskih suradnika, radna tijela se formiraju radi razmatranja materijala i drugih pitanja iz nadležnosti Skupštine a u cilju unaprijeđenja ukupnog skupštinskog rada.

Skupština Unsko – sanskog kantona ima 9 radnih tijela i ukupno 71. člana. Ukazuje zastupnicima da je Služba Skupštine pripremila nacrt Odluke o izboru radnih tijela Skupštine Unsko – sanskog kantona i da su isti nacrt dobili prilikom održavanja radno – konsultativnih sastanaka i da postoje određene izmjene kod članova kod pojedinih radnih tijela a koje će zastupnici dobiti u toku sjednice. Obzirom da je Komisija za izbor, imenovanja i finansijsko – administrativna pitanja utvrdila Odluku o izboru predsjedavajućeg, odnosno zamjenika predsjedavajućeg i članova radnih tijela Skupštine Unsko – sanskog kantona, poziva zastupnika Agana Bunića da obrazloži navedenu odluku.

Agan Bunić, predsjedavajući Komisije za izbor, imenovanja i finansijsko administrativna pitanja obrazlože predmetnu odluku.

Zamjenica predsjedavajućeg Skupštine Unsko – sanskog kantona, Ines Delić, otvara raspravu te su učešće u istoj uzeli: Jasmin Musić, Jasmin Hušić, Šuhret Fazlić, Fatka Kulenović, Agan Bunić i Amir Murić.

Nakon zatvaranja rasprave, zamjenica predsjedavajućeg Skupštine Unsko – sanskog kantona, Ines Delić, daje na glasanje

#### ODLUKU

o izboru predsjedavajućeg, zamjenika predsjedavajućeg i članova radnih tijela  
Skupštine Unsko – sanskog kantona

#### Član 1.

Ovom Odlukom formiraju se radna tijela Skupštine Unsko – sanskog kantona za mandatni period 2022-2026.godine, imenuju predsjedavajući, zamjenici predsjedavajućih i članovi radnih tijela.

#### Član 2.

U Komisiju za ustavna, zakonodavno pravna i pitanja evropskih integracija imenuju se:

1. Sanil Hasić, predsjedavajući
2. Agan Bunić, zamjenik predsjedavajućeg
3. Nisvet Jusić, član
4. Almin Hopovac, član
5. Azhar Sejarić, član
6. Aida Pašić, član
7. Elvir Risović, vanskupštinski član
8. Nedžad Durić, vanskupštinski član
9. Amar Trožić, vanskupštinski član

#### Član 3.

U Komisiju za izbor, imenovanja i finansijsko – administrativna pitanja imenuju se:

1. Agan Bunić, predsjedavajući
2. Almin Hopovac, zamjenik predsjedavajućeg
3. Samir Ikanović, član
4. Zinajda Hadžić, član
5. Nisvet Jusić, član

#### Član 4.

U Komisiju za budžet, ekonomsku i finansijsku politiku imenuju se:

1. Fatka Kulenović, predsjedavajuća
2. Samir Ikanović, zamjenik predsjedavajuće
3. Mehmed Mahmić, član
4. Ifeta Kadić, član
5. Asmir Ćufurović, član
6. Amir Murić, član
7. Zirhad Ružnić, vanskupštinski član
8. Elvedin Hadžalić, vanskupštinski član
9. Enes Bajramović, vanskupštinski član

#### Član 5.

U Komisiju za obrazovanje, nauku, kulturu, sport i mlade imenuju se:

1. Azra Tajić, predsjedavajuća
2. Zikrija Duraković, zamjenik predsjedavajuće
3. Ifeta Kadić, član
4. Fatka Kulenović, član
5. Emir Dautović, član
6. Jasmin Musić, član
7. Enes Škrijelj, vanskupštinski član predstavnik Nacionalnih manjina USK
8. Hamdija Abazović, vanskupštinski član – predstavnik Vijeća mladih USK
9. Adis Abdić, vanskupštinski član – predstavnik Vijeća mladih USK

#### Član 6.

U Komisiju za prostorno uređenje, planiranje, komunalne djelatnosti, zaštitu okoliša i turizam imenuju se:

1. Šuhret Fazlić, predsjedavajući
2. Abid Mulalić, zamjenik predsjedavajućeg
3. Nijaz Kadirić, član
4. Ines Delić, član
5. Elvira Abdić-Jelenović, član
6. Zinajda Hadžić, član
7. Sabahudin Koštić, vanskupštinski član
8. Asmir Keranović, vanskupštinski član
9. Davor Župa, vanskupštinski član

#### Član 7.

U Komisiju za zdravstvo, boračka pitanja, rad i socijalnu politiku imenuju se:

1. Hajrudin Halilović, predsjedavajući
2. Rusmira Konjević, zamjenik predsjedavajućeg
3. Senita Handukić, član
4. Emir Šabić, član
5. Azhar Sejarić, član
6. Amir Murić, član
7. Zlatko Hujic, vanskupštinski član
8. Muhidin Šertović, vanskupštinski član
9. Šefik Veladžić, vanskupštinski član

#### Član 8.

U Komisiju za pravdu, ljudska prava, građanske slobode i jednakopravnost spolova imenuju se:

1. Aida Pašić, predsjedavajuća
2. Abid Mulalić, zamjenik predsjedavajuće
3. Mehmed Mahmić, član
4. Šuhret Fazlić, član
5. Hajrudin Halilović, član
6. Merina Hadžić, vanskupštinski član
7. Elvedin Sadiković, vanskupštinski član ispred Vijeća nacionalnih manjina USK

#### Član 9.

U Komisiju za borbu protiv korupcije, pitanja sigurnosti i nadzora zakonitosti rada imenuju se:

1. Jasmin Hušić, predsjedavajući
2. Jasmin Musić, zamjenik predsjedavajućeg
3. Sanil Hasić, član
4. Azra Tajić, član
5. Tanja Šantić, član
6. Adnan Botić, vanskupštinski član
7. Hajrudin Muratović, vanskupštinski član

#### Član 10.

U Komisiju za poljoprivredu, vodoprivredu, šumarstvo i ruralni razvoj imenuju se:

1. Asmir Čufurović, predsjedavajući

2. Nijaz Kadirić, zamjenik predsjedavajućeg
3. Abid Mulalić, član
4. Mladen Lonić, član
5. Zikrija Duraković, član
6. Midhad Arnautović, vanskupštinski član
7. Sedifa Beganović, vanskupštinski član

Član 11.

- (1) Stupanjem na snagu ove Odluke prestaje da važi Odluka broj: 01/1-02-547-1/22 od 14.11.2022.godine.
- (2) Ova Odluka stupa na snagu danom donošenja i objaviće se u „Službenom glasniku Unsko-sanskog kantona“.

Ovakva Odluka dobila je potrebnu većinu sa 20 glasova ZA, 4 glasa PROTIV i 4 glasa SUZDRŽAN.

S ovim je završena Konstituirajuća sjednica Skupštine Unsko – sanskog kantona.

Sekretar Skupštine  
Unsko-sanskog kantona  
Dragana Bajrić, dipl.pravnik

Predsjedavajući Skupštine  
Unsko-sanskog kantona  
Jasmin Musić